



بِسْمِ اللَّهِ الرَّحْمَنِ الرَّحِيمِ

ИМОМ БУХОРИЙ БУЮК АЛЛОМА

Хурматли жамоат! Мухтарам Президентимиз куни кеча, 15 апрель куни Самарқанд вилоятига ташрифлари чоғида Имом Бухорий ёдгорлик мажмуасида бўлдилар. Давлатимиз Раҳбари Ислом дини ривожига беқиёс хисса қўшган улуғ бобокалонимизнинг оламшумул довруқларига мос ва арзигулик қадамжосининг янги лойиҳаси билан танишдилар. Тадбирда ҳозир бўлган оқсоқоллар, уламолар, туман ва шаҳар депутатлари, жамоатчилик вакилларининг фикрларини эшитдилар ва янги мажмуа курилиши бошланганини эълон қилдилар.

Янги ёдгорлик мажмуасида сони тобора ошиб бораётган миллий ва хорижий зиёратчилар учун барча шароитлар яратилади. Мажмуа таркибиға киравчи масjidнинг ички саҳнининг ўзи икки минг квадрат метрдан ошади. Атрофидағи саҳнлар билан масжидда бир неча ўн минг мусулмон бир вақтнинг ўзида намоз ўқиши мумкин бўлади. Ҳазрат Имом Бухорий қабрларини зиёрат қилиш шароитлари ҳам яхшиланади.

Ушбу буюк инсон хотирасига ҳалқимизнинг ва жаҳон ҳамжамиятининг эҳтироми белгиси сифатида Аллоҳнинг изни ва ҳалқимизнинг хоҳиш-иродаси билан амалга ошириладиган мажмуага муборак Рамазон ойи кунларида тамал тошининг қўйилиши Яратган Парвардигоримизнинг ушбу эзгу ишларни қўллаб-қувватлашига умид боғлашга имкон беради.

Мажмуанинг тўрт бурчагига қуриладиган минораларнинг баландлиги етмиш метрдан зиёд бўлиб, иншоаллоҳ, тез фурсатларда улардан тараладиган ибодатга чақириқ узок-узокларга эшитиладиган бўлади.

Мухтарам жамоат! Маълумки, муҳадислар сultonи, дея эътироф этилган Имом Бухорий ҳазратларининг қўним топган жойларини обод этилиши бежиз эмас, албатта. Расулуллоҳ соллаллоҳу алайҳи васаллам ҳадисларининг «табиби», набавий ҳадисларнинг саҳиҳларини ажратиб, улардан Қуръони каримдан кейинги иккинчи ишончли манба саналмиш “Саҳиҳи Бухорий” номли ҳадислар тўпламини тузган бу улуғ аллома, дунё имоми, олимлар пешвосининг номи бутун дунёда машҳур ва маълумдир.

Ҳазрати Пайғамбаримиз соллаллоҳу алайҳи васаллам:

نَضَرَ اللَّهُ امْرًا سَمِعَ مَقَالَتِي فَوَعَاهَا فَبَلَّغَهُ كَمَا سَمِعَهُ (رواه الإمام الترمذى عن عبد الله بن مسعود)

яъни: "Менинг гапимни эшитиб, ёдлаб, сўнгра қандай эшишган бўлса, ана шундай етказган одамни Аллоҳ неъматлантирилар", дедилар. (Имом Термизий ривоятлари).

Бу буюк зот Мовароуннахрнинг энг кўхна ва гўзал шаҳарларидан бўлмиш Бухорои шарифда, ҳижрий 194 йил Рамазон ойининг 13-санада, жума куни таваллуд топдилар. Имом Бухорий бутун ҳаётларини, интилиш ва ҳаракатларини ҳадис илмига бахшида этган эдилар. Жуда оз ухлар, уйкудан ташқари пайтларда эса атрофдагилар у кишини ё устозлардан ҳадис эшиштаётган ёхуд ёзиб олаётган, ё ўзлари шогирдларга ҳадис айтаётган, ё ёлғиз ўтириб, қўлда қалам билан жамлаган ҳадисларининг нодир жойларини қайд этиб ўтирган ҳолда кўтарар эди. У кишининг ҳар бир куни илм олувчи, таълим берувчи ва китоб таълиф қилувчи мақомида ўтарди.

Буларнинг гувоҳи бўлган шогирдлари Ибн Абу Хотим бундай дейди: "Бухорий билан сафарда бирга бўлиб, бир уйда тунашга тўғри келди. Ўшанда шунинг гувоҳи бўлдимки, у киши бир кечанинг ўзида ўн беш мартадан йигирма мартағача уйғониб, ҳар гал чақмоқ тошни ишлатиб чироғини ёқар, тўплаган ҳадисларининг саҳиҳларини ажратиб, белгилаб қўяр эди. Сўнг чироқни ўчириб, бошини ёстиққа қўяр эди".

Имом Бухорийнинг ҳадис ёдлаш қобилиятлари, зеҳнларининг ўткирлиги тилларда достон бўлиб кетган эди. У киши ўзларининг шоҳ асарлари бўлмиш "Жомеус-саҳиҳ" таълиф қилиш олдидан жами олти юз минг, шундан юз минг саҳиҳ ва икки юз минг саҳиҳ бўлмаган ҳадисни ёд олганларини зикр этган эдилар. Ҳадис илми равнақи йўлидаги буюк хизматлари учун "Имомуд-дунё" (Дунё имоми) мақомига мушарраф бўлган эдилар.

Замондошларининг гувоҳлик беришларича, Имом Бухорий ҳазратлари жисман нозик, озғин, ўрта бўйли, нафсини бир маромда ушлаган, таомни жуда кам истеъмол қиласидиган фазилатли, тамкинли инсонлардан эдилар. У кишининг зуҳди-қаноати ва тақвоси ҳаммага ибрат эди. Имом Бухорий нафс риёзати, тўғрилик ва ҳалоллик билан зийнатланган ва танилган эдилар. Ҳалоллик йўлида ҳар қандай машаққатни зиммага олардилар. Ҳаётларининг энг оғир дамларида ҳам бирордан бир нарса сўрамас, одамлар миннатидан юзларини сарғайтирмас эдилар.

Имом Бухорий гўзал хулқли, ҳамма ёқтирадиган одам бўлганлар. Муҳаммад ибн Абу Хотимнинг айтишича, Имом Бухорий бундай деганлар: "Ғийбатнинг ҳаромлигини билганимдан буён бирор кишини гийбат қилмадим. Аллоҳга рўбарў бўлганимда бирор кишини гийбат қилмаганим ҳақида мени ҳисоб-китоб қилмаслигидан умид қиласман".

Имом Бухорийнинг Аллоҳ таолога бўлган имон-ишончлари ботину зоҳирларидан яққол кўриниб турар эди. Ибодатда бутун қалблари, ҳар бир аъзолари билан хушуъ-хузуъда, ихлос билан Аллоҳнинг Ўзига юзланар эдилар. Доимо Куръони каримни тиловат қиласидилар. Аллоҳ таолога дуолари ижобат эди. Имом Бухорий ҳазратлари ўзларидан улкан илмий мерос қолдирдилар. Ёш бўлатуриб, дунёга машҳур асарларни ёздилар. Хатиб Бағдодий Имом Бухорийнинг шундай деганларини ривоят қилган: "Ўн саккиз ёшига етганимда саҳоба ва тобеинларнинг масала ва қавлларини тасниф қила

бошладим... Ўша пайтда “Китобут-тарих”ни Расулуллоҳ соллаллоҳу алайҳи васалламнинг қабрлари ёнида ойдин кечаларда тасниф этганман”.

Мұхтарам жамоат! Аллоҳ таоло Үзининг каломида шундай марҳамат қиласы:

بِرْفَعَ اللَّهُ الَّذِينَ آمَنُوا مِنْكُمْ وَالَّذِينَ أَوْتُوا الْعِلْمَ دَرَجَاتٍ

яъни: “Аллоҳ сизлардан имон келтирған ва илм ато этилган зотларни (баланд) даражада (мартаба)ларга күттарур” (Мужодала сураси 11-оят).

Дарҳақиқат, бобомиз Имом Бухорий раҳматуллоҳи алайҳи бутун Ислом олами “Амирул мўминин фил ҳадис” – “ҳадис илмида мўъминларнинг амири”, “Шайхул-ислом” – “мусулмонларнинг устози” каби унвонлари ҳам бор.

Буюк мужтаҳид олим Имом Аҳмад ибн Ҳанбал Имом Бухорий ҳақларида: «Хурросондан Мұхаммад ибн Исмоилдек киши чиқмаган», деганлар.

Мусо ибн Ҳорун Ҳаммол эса: «Менимча, Ислом ахли барчаси жамланиб, Мұхаммад ибн Исмоилга үхшаш яна бир кишини етиштиromoқчи бўлишса, эплай олишмайди», деганлар.

Амр ибн Алиниңг асхоблари Имом Бухорий билан бир ҳадисни музокара қилиб қолишиди. У зот: «Бу ҳадисни билмайман», дедилар. Улар бундан масрур бўлиб, устозлари Амр ибн Алийининг олдига югуришиди ва унга: «Мұхаммад ибн Исмоил Бухорийга бир ҳадис айтган эдик, билмайман, деди», дейишиди. Шунда Амр ибн Алий: «Мұхаммад ибн Исмоил билмайдиган ҳадис ҳадис эмас», дедилар.

Салим ибн Мужоҳид: «Олтмиш йилдан бери Мұхаммад ибн Исмоилдан кўра фақиҳроқ, парҳезкорроқ ва дунёда зоҳидрок одамни кўрмадим», деганлар.

Имом Бухорийнинг яна бир замондоши Яхё ибн Жаъфар айтадилар: «Агар қудратим етса, Мұхаммад ибн Исмоил Бухорийнинг умрини зиёда қиласы ҳам олар эдим. Менинг ўлимим бир кишининг ўлими бўлади. Мұхаммад ибн Исмоилнинг ўлими илмнинг кетишидир».

Мұхтарам жамоат! Хабарингиз бор, Марказий Осиё давлатлари – Ўзбекистон, Тожикистан ҳамда Афғонистон ўртасида диний-маърифий ҳамкорликни йўлга қўйиш ва мустаҳкамлаш мақсадида 2021 йил 15 марта Самарқанд шаҳрида Имом Бухорий меросининг ўзига хос хусусиятлари мавзусида халқаро конференция ташкил этилди.

Мазкур анжуманда Ўзбекистон, Афғонистон ва Тожикистандан етук уламолар, диний соҳа вакиллари иштирок этилди. Тадбирда минтақамиз мамлакатларида азалдан ўрганиб келинаётган Имом Бухорий илмий меросининг мазмун-моҳиятини батафсил очиб бериш, ушбу мероснинг ўзига хос-хусусиятларини баён этиш, афзалликлари ва тарбиявий аҳамиятини кенг ёритиш ҳамда халқларимиз, айниқса, ёш авлодни ёт гоялардан ҳимоя қилиш каби масалалар муҳокама этилди.

Ушбу халқаро анжуманда сўзга чиқсан Афғонистон Ислом Республикаси иршод, ҳаж ва вақф ишлари вазири Мұхаммад Қосим Ҳалимий:

— ... Ўзбекистон шундай диёрки, Ер юзидағи ҳар бир мусулмон бу табаррук юртнинг зиёратига ошиқади. Имом Бухорий раҳматуллоҳи 2021 йил – “Ёшларни қўллаб-қувватлаш ва аҳоли саломатлигини мустаҳкамлаш” 16-Тезис 3

алайхнинг мақбарасини зиёрат қилдик. Бу табаррук жойда жуда катта ободонлаштириш ишлари олиб борилаётгани, қадамжолар янада обод этилаётгани бизни ғоят хушнуд этди. Буларнинг барчаси Президент жаноб Шавкат Мирзиёевнинг мамлакатни янада обод, халқни янада фаровон қилиш, юксак билим ва салоҳиятли, ватанпарвар, миллий қадрият ҳамда анъаналарга, аждодларнинг бебаҳо меросига садоқатли авлодни камолга етказишдек эзгу орзу-умидлари рўёбига хизмат қилаётир. Ўзбекистон яна илм-фан марказига айланмоқда.

Хулоса қилиб айтиш мумкинки, Аждодимизнинг бу даражага етишишларига у зотнинг тақволари, пархезкорликлари ва амонатдорликлари каби кўплаб фазилатли хислатлари сабаб бўлган десак янгишмаган бўламиз. Бундай зотларни Аллоҳ таоло Қуръони каримда қуидагича мадҳ этган:

لَلَّذِينَ أَخْسَنُوا فِي هَذِهِ الدُّنْيَا حَسَنَةٌ وَلَدَارُ الْآخِرَةِ خَيْرٌ وَلَعِمْ دَارُ الْمُتَقْبِينَ جَنَّاتُ عَدْنٍ يَدْخُلُونَهَا تَجْرِي مِنْ تَحْتِهَا الْأَنْهَارُ لَهُمْ فِيهَا مَا يَشَاءُونَ كَذَلِكَ يَعْزِي اللَّهُ الْمُتَقْبِينَ

яъни: "Бу дунёда чиройли иш қилганлар учун чиройли мукофот бўлур. Лекин шубҳа йўқки, охират диёри янада яхшироқдир. Тақводорларнинг диёрлари нақадар яхши! Улар остидан анҳорлар оқиб турадиган мангу жаннатларга киурулар. Улар учун у ерда хоҳлаган нарсалари бордир. Тақводорларни Аллоҳ мана шундай мукофотлагай" (Наҳл сураси 30-31-оятлар).

Дарҳақиқат, Аллоҳ таоло илмда, зухдда ва тақвода замонасининг пешқадами бўлган Имом Бухорийни бу дунёда номларини улуғ қилди. Умид қиласизки, Ҳақ таоло Охиратда ҳам у зотни улкан даражотлар билан мукофотлайди.

Имом Бухорий тўплаган ҳадислар инсонга тўғи йўл танлаш, ота-онани хурмат қилиш, ҳалол, оқибатли, бағрикенг бўлиш, Аллоҳнинг буйруқларига бўйсуниш каби хислатларга эга бўлиш имконини беради.

Биз ҳам ушбу буюк аждодимизга муносиб авлод бўлиб, Пайғамбаримиз саллаллоҳу алайҳи васалламнинг муборак ҳадисларини ўрганишимиз, фарзандларимизга таълим бериб, ҳаётимизга татбиқ этишимиз ҳам фарз, ҳам қарзdir.

Ана шуларни ҳисобга олиб юртбошимизнинг ташабbusлари билан Ҳадис илми мактаби, Ҳалқаро Имом Бухорий илмий-тадқиқот маркази ва Ўзбекистондаги Ислом цивилизацияси маркази яратилди. Мана энди, бир томондан Имом Бухорийнинг хизматлари ва ўзларига мос ёдгорлик мажмуаси, иккинчи томонидан зиёратчилар учун барча шароитларга эга бўлган маскан яратилмоқда.

Аллоҳ таоло буюк аждодимиз Имом Бухорийни Ўз раҳматига олиб, фарзандларимиздан у зотга ўхшаган солих зурриётларни чиқишлигини насиб этсин! У Зотни меросларини ўрганиш бўйича олиб борилаётган хайрли ишларда Ўзи мададкор бўлсин! Омин!